

Paasissutissat



Maniitsumi Efterskoli

2025- 2026



Maniitsumi Efterskolimut tikilluarit!

Maniitsumi efterskolimi atualertussanngorninni pilluarit! Nuannaarpugut qilanaarlutalu atuartuutigilernissannut. Ilinnut angajoqqaatullu oqartussanut pingaarpoq una quppersagaaraliarput, ilinnit angajoqqaatut oqartussallu atuarluarsimaneqarnissaa, oqallisigilluarsimanissaa paasilluarsimanissaalu. Taamaalillutit Efterskolernissat piareersimaffigilluarniassagakku. Pingaaruteqarluinnarporlu imminut maanna aperinissat: angajoqqaakka qimallugit piumasaqarfiungaatsiartumut piareersimavunga?

Nassatassat allattorsimaffiat:

Maniitsumi efterskoli-mukaleruit piumasaraarput ukua nassassagitit:

- Irsimmatit
- Illup iluani, aammalu silami timersuutit
- Atisat nalinginnaasut oqortullu aamma (katerisimaarnermi atortakkatit Nerersuaqatigiittaratta).
- Sialussiutit + gummit
- Qipik aamma akiseq, oqorutit puui tungerlu kiisalu allarutit.
- Kigutigissaatit qaqorsaataalu (nammineq ukiup ingerlanerani isumagisassat)
- Quligut aamma uffaaf (eqqaamallugu ukiumi atuarfiusumi qaqorsaafatit uffaafissatit nammineq isumagisartussaagakkit).
- Nivarsiaaraaguit nalequttat assigisaallu (nammineq ukiup ingerlanerani Isumagisartussaafatit).
- Aqerluusat, atuarnermilu atortut.
- Lommeregneri

Siunnersuutigissavarput pigisatit illit atinnik nalunaaqutsersorsimassagakkit.

Pigerigassat ilaat pingaarutilik :

Mit-id piareeqqasoq atoriaannaq, ajornanngippat Bank konto, kort mastercard imaluunniit Akiliut.

Angalaneq.

Illoqarfigisanniit Maniitsumi efterskoli-mut angalanerit, kiisalu Maniitsumi efterskoli-miit **naammassillutit** illoqarfigisannut angalanissat angajoqqaavit akisussaaffigissavaat. Billetsissat Namminersorlutik oqartussat akilertussaavaat. Angalanissamut inniminniinerit Maniitsumi efterskolip allaffianiit nunatsinni angalatitsiviit suleqatigalugit isumagineqarumaarput.

Angalanngilaataa.

Angalanissaq sioqqullugu ME-mit nassiunneqassapput, Paasissutissat pingaarutillit, aamma Angajoqqaat paasissutissanik ilisimasassanillu paasinnissimanertik atsiorlutik uppersarsarlugu ME-mut utertitassaat, aammalu sapaatip akunnera, qaammammut akiliutigisassap annertussusaa paasissutissiissutigineqarluni.

Tikinneq.

Maniitsumi efterskolimi atuarnep aallartinnissaa sioqqullugu Maniitsumut tikissaatit. Ulloq taanna tikikkuit sulisunit tikilluaqqusaallutillu aaneqarumaarputit. Atualerneq ukioq manna 28. august 2025 aallartissaaq. Atuarnepu naammassissalluni 17. juni 2026.

Angerlarnissaq.

Efterskolerneq naammassillugu angerlarpuni angalanep sioqqullugu ME-mi attaveqaataasunit angajoqqaat angalanissaq pillugu oqaloqatigineqartassapput. Erseqqissarlugu atuarnep angalaneranni angajoqqaat akisussaasuussasut. Soorunami angalanermi allannguinerit, kinguaattoornerit allallu pilersaarutaareeraluarnit pisoqanngitsoornerani angajoqqaanut aamma ME attavigineqarsinnaasut ilisimatitsissutigalugit.

Malugisiuk! Angalanissani Efterskolimut imaluunniit angerlarnermi nammineq pisuussutigalugu qimataasoqarsimappat – taamalu aallanngitsoortoqarsimappat nutaamik angalanissamut billetsit angajoqqaanik isumagineqarlunilu akilerneqartartussaammat.

Inigisaq.

Tikeriaruit Maniitsumi Majoriap kollegiaanut inissinneqassaatit. Ineeqqami marluuttariaasumi atuaqatissannik ineqateqassaatit, ineerassassinilu namminerisamik immikkut skaaveqartinneqassaatit, ataatsimoorussamillu allaffeeraqarlusi. Kinaagaluamilluunniit qanorlu ittuugaluamik ineqateqarnissat akuerisariaqarpat.

Matuersaatit.

Maniitsumut tikikkuit efterskolimi inissannut matuersaammik tunineqassaatit. Ukiup atuarnep ingerlanerani inigisannut matuersaatit tammartuussagaluarukku, 150 kr-imik akiliillutit matuersaammik nutaamik pissarsisinnaavutit.

Sillimmasiineq.

Atuarnep atuarnep pigisaanik aseruiguni nammineerluni taarsiisussaataavoq. Taamaattumik atualertussat tamarmik 2000 kr-imik sillimmasiisimassapput. Siunnersuutigissavarpullu Maniitsumi efterskolimi atualeruit sillimmasiisimanissat, pissutigalugu aserortuukkat nammineq akilissanngikkukku, ilaqutariit sillimmataanniit matussuserneqarsinnaammat.

Nerisaqarneq.

Maniitsumi efterskolimi allanngorartumik nerisaqarnissat naatsorsuutigissavat. Ulluinnarni ullup ingerlanerani nerisassanik sassaalliineq imatut ingerlasarpoq:

Ullaakkorsiorneq:	nal. 07:00 - 7:50
Ullaap tungaa sutorneq:	nal. 09.35 - 10:05
Ullup-qeqqasiorneq:	nal. 11:40 - 12:30
Ualiklut sutorneq:	nal. 14:00 - 14:30
Unnukkorsiorneq:	nal. 17:30 - 18:00
Unnuklut sutorneq:	nal. 20:30 - 21:00

Sapaatip akunnerisa naanerini:

Ullaakkorsiorneq/ulloqqasiorneq (brunch):	nal.09:00 - 12:00
Ualikkut sutorneq:	nal. 15:00 - 5:30
Unnukkorsiorneq:	nal.17:30 -18:00
Unnukkut sutorneq:	nal.21:00 - 21:30

Qinnuigissavatsigit **nerisassanik aaliangersimasunik sapigaqaruit** atuarfimmuut nalunaarutigeqqullugu. Nakorsamillu sapigaqarninnik uppersaammik nassaqqullutit.

Erseqqissaatigissavarput aalisagartarluta, puisip neqitortarluta kalaaliminertortaratta.

Maniitsumi Efterskolimi killigitat malitassallu.

Killigitatagut aamma malittarisassagut, ilinnit **maleqqissaarneqarnissai** pingaartorujussuuvog, ilinnummi inuttut ineriartornissannut tulluarsagaapput. Siunissami atorluarsinnaasannik imaqtut. Taakkulu pillugit angajoqqaasilu oqaloqatigiissutigilluareersimassaasi, illit angajoqqaatillu killigitatagut malittarisassagullu naammaginartutut aammalu malinneqarsinnaasutut isigalugit akuerisimassallusigit. Taamatuttaaq efterskolertussat amerlaqimmata pisariaqalersitsivoq, TAMATTA assigiimmik malitassaqtartariaqaratta. Efterskolip pingaartitaraa ataatsimuussuseq ataqpeqatigiinnerlu. Maniitsumi efterskolimi malittarisassat ukuupput:

Naleqartitat:

- ◆ Ullaakkut nammineq makissinnaaneq piffissamillu ataqqinninneq
- ◆ Ikinngutaalluurtuuneq ataatsimuussusermullu peqataasinnaaneq
- ◆ Igaffimmi nerisassiorutut, pedelimut - eqqiaasumullu ikiortaasarnissaq.
- ◆ Ullaakkorsiornermut, ullup-qeqqasiornermut unnukkorsiornermullu peqataasarnissaq.
- ◆ Atuarfiup iniutai, pequtai, pigisaalu peqqissaartumik atorineqassapput.
- ◆ Aammataaq **peqquussutaavoq** isersimmaeqarnissaq ineqarfimmi atuarfimmilu.
- ◆ Maniitsumi efterskolip tillinnerit aseruinerilluunniit akuerinngilluinnarpai.
- ◆ Maniitsumi efterskolimi mobiilit qaqugukku atorineqartarnissaanik malittarisassaqtarpoq.

Peqqussutit:

- ◆ Ullaakkut nal. 8:00 ulloq aallartippat makereersimassaait ullormullu peqataanissannut piareersimallutit.
- ◆ Pisussaaffilersorneqartarneq nalinginnaasutut isigilereersimassavat.
- ◆ Ulluinnarni kingusinnerpaamik nal. 22.00 sap.ak naanerani nal. 00:00 angerlareersimanissaq piumasaqaataavoq. Ulluinnarni nal. 22:15 aammalu sap.ak naanerini nal. 00:15 ineeqqameereersimanissat innersuussutaavoq. Piumasaqaataavorlu nipilersuutit qarasaasiarlu qamereersimanissaat.

Inerteqqutit:

- ◆ Naneruutiniq atuineq, imermullu kissartuliuutiniq atuineq inerteqqutaapput.
- ◆ Sodavandit, chipsit mamakujuttut aamma nerisassat assigisaallu avataaneersut, ineeqqanni pisinnaavatit. Taakku atuarfimmuut eqquteqqusaanngillat. Nalliuttuni atuarfiullu aaqqissugaanni taamaallaat atuarfimmuut eqqunneqarsinnaapput.
- ◆ Nakuusernerit annersittaannerit persuttaannerillu sakkortuut angerlartitaanermik

kinguneqassapput.

- ♦ Maniitsumi efterskolimi energidrink-inik, imigassanik aalakoornartortalinnik, ikiaroornartumik, aanngajaarniutinillu allanik atuinnissaq **inerteqqutaalluinnarpoq.**
- ♦ **Imigassamik, ikiaroornartumik, aanngajaarniutinillu atuisoqarsimappat ingerlaannaq angerlartitaasoqassaaq.**
- ♦ **Pujortartarnek** Maniitsumi efterskolip akerleraa. Erseqqissaatigerusullugulu Maniitsumi efterskolimi meeqqat 18-nit inorlugit ukioqartuusarmata inatsisillu malillugit inuk 18-nit inorlugit ukiulik tupasisinnaatitaanngitsoq. Kiisalu **illit pujortartarsimaguit** manna qinnuigaatsigit maanngartinnak **unitsinniareeqqullugu.** Pingaarnarpaatullu ilissi **angajoqqaat sakkortuumik qinnuigissavassi** meeqqassi peqqissuunnissaa uagutsitulli pingaartillugu kiisalu nunatsinni inatsisit atuuttut ataqeqqullugit meerarsi pujortartuussanngitsoq qulakkeeqqullugu.
- ❖ Pujortartoqassappat piffinni aalajangersimasuni pujortartoqartarpoq. Atuarfimmi ineqarfimmilu snus-it e-cigaretsillu inerteqqutaapput.

Maniitsumi efterskolip malittarisassaanik unioqqutitsiguit angerlartitaanermik kinguneqarsinnaavoq. Aamma pingasoriarlutit mianersoqqusummik tunineqaruit angerlartitaassaait.

Errorsineq.

Maniitsumi efterskolimi illit nammineq atorsinnaasannik errorsiveqarlunilu panersiiveqarpoq. Atuartut sulisullu ilaat tipigissaatitalinnik sapigaqartarmata atuarfik qaqorsaatinik tipigissaatitaqanngitsunik atuartut atorsinnaasaannik qaqorsaataateqarpoq.

Bankkonto aningaasallu kaasarfimmiussatit.

Maniitsumi efterskolemi atuarninni aningaasat kaasarfimmiussatit angajoqqaatillu nammineq akisussaaffigissavasi. Atuarfik aningaasanik tunisineq ajorpoq. Taamaattumik bankkontoqarnissat angajoqqaavit ikisiffigisinnaasaannik peqarneq isumatusaarnersusaq. Amerlasuut annertoorujussuarmik aningaasanik nassitinniarsarilersarput, tamannalu angajoqqaanut annertuumik nanertuutaalersinnaasarmat, piumaffigissavassi aalajangersimaqqissaartumik ass. qaammammut nassitsittarnissat ilussinni aaqperiissagissi. Meerarpaaluit malunnartarpoq neriniartarfinni nerinialersartut tamannalu angajoqqaanut aningaasanik atuinarsipallattartoq maluginiarnikuuarput. Erseqqissartariaqarparpullu illit atualertussaasutit nerisassaqaannginnerarneq aammalu narruneq immikkoortilluinnarneqasammata. Tassami nerisassanik sassaallertarneq qulaani eqqaaneqareerpoq meeqqalli 60-t ataatsikkut mamarisinnaasaannik sassaalliiniarneq ajornakusoorsinnaasarpoq. Eqqumaffigiullu nerisassaqaannginnermik oqarneq narrugalugillu nererusunnginneq peqqutaalluni kaannerarneq assigiinngilluinnartuupput. Piumasaraarput atuartut Maniitsumi Efterskolimut pitinnatik Mit - ID-mik peqarnissaat. Atuartut qinnuteqaqqinnissaminnut atortussaammassuk.

Internet.

Maniitsumi efterskolimi internet periarfissaavoq, killilersukkamik atorneqarsinnaanngorlugu periarfissiinikuuvugut, taamaammat ima paasineqassaaq, qaquguluunniit atuarfiup

aalajangigassaraa qaqugukkut internet qaminneqartarnissaa ikumatinneqarnissaalu.

lisartakkat nakorsaatit assigisaallu.

Nakorsaateqarsimaguit, iisartagaqarsimaguit assigisaanillu, efterskolernissanni nassataqarniaruit ingerlaannaq, efterskolimut aammalu attaveqaatigisassannut nalunaarutigissavatit, tamanna ilinnut uagutsinnullu pingaartorujussuuvog. Aamma nakorsaatit iisartakkallu uagut paarisassavagut, sillimaniarneq eqqarsaatigalugu.

Angerlarsertarneq.

Maniitsumi Efterskolimi ilisimaarilluarparput angerlarsertoqartarnera, aamma tamanna pissusissamisoortutut isigaarput. Tassami asasat, angajoqqaat, qatanngutit, ikinngutit ilisarimasallu qimassallugit artornarsinnaasarmat.

Maniitsumi Efterskolimiinnerli **inuttut ineriartorfiusarpoq**, angerlarsernerlu qaangersinnaagaanni inuttut alloriarfittut, nukittorsaatitullu aamma isigisassaavoq. Aatsaallu immaqa amerlanerit angajoqqaatik qimallugit allami namminneerlutik ilinniar-tuunissaq sungiusaleruttussavaat. Taamaammallu angerlarserneq inuttut unamisassaavoq ajugaaffiginiagassaq ajugaaffigigaannilu alloriaqqiffik imminut tatigisinnaanermik kinguneqartartoq. Ajorluartumilli naammattuugassaasarpur angerlarserneq "piinnarlugu" angerlartartut, tamannalu uggornartarpoq efterskolimut, angajoqqaanut minnerunngitsumillu efterskolertiartumut. Inuttummi alloriarfiusussaq "annaasarmassuk". Taamaammat efterskolertiartinnak angajoqqaatik peqatigalugit angerlarsersinnaaneq pillugu aammalu angerlaannannginnissaq pillugu itinerusumik oqaloqatigiissutigilluarsima-nissaa pingaartutut efterskoli-miit kaammattuutigissavarput. Nalinginnaammammi toqqis-sisimaffik periutsillu sungiusimasat qimakkaanni inuit nalusat akornanut pineq aamma sungiunniagassaaqqaartarmat.

"Inuuneruna iggoraarsuk".

Efterskolip ilisimaarilluarpaa inuusuttunnguit ajorluartumik ilaat imminornissamut eqqarsaatersuuteqartartut, taamaattorli Maniitsumi Efterskolimiitillutit imminoriarnissannik iliuuseqarnissat **kissaatiginngikkaluagaarput.** Taamatut misiliisut imaluunniit eqqarsaa-teqartut kommunemit aggerfinniit inunnik isumaginnittoqarfik akisussaasut peqatigalugit ikiorneqarnissaannik aqutissiuuttarpagut. Aqutissiuunneqarneq akisussaasut sullissisus-sallu peqatigalugit ingerlanneqalertarpoq. Amerlasuutigut efterskolemiikkunnaarnermik kinguneqarajuppoq, tassami ikiorserneqarneq akisussaasut peqatigalugit ingerlanneqar-tariaqartarmat. Soorunami pisumiit pisumut assigiinngiiaartumik iliuuseqartoqartarpoq.

Imminunnguaq asagit, allat taamaalillutit aamma asassagakkit.

Ilaquttat akornanni toqusoqartillugu.

Allatulluunniit ajortumik atuartuutissinnut kallerriisariaqalerussi, angajoqqaat piumaf-figissavassi aturfik siulliullugu kallerreqqaartaqqullugu, atuartoq sulisullu sillimanas-sammata. Tassa atuartoq aasariaqassagatsigu eqqaaniillutalu kalerrilerussiuk, toqqis-sisimanissaq tamanut pinarlugu. Aammattaaq uagut piumaffigisinnaavatsigut kalerris-sinnaagipput sinnerlusi.

Oqaloqatiginnittartoq.

Efterskolip pingaartitaraa, atuartoq pitsaasumik atuarnissaa, aammalu atuartoq pitsaasumik ukiup atuarfiusup ingerlanerani toqqissisimalluni efterskolimiinnissaa. Arlaannik oqaasinnguisinnaajunnaaruit, aammalu arlaannik ajornartorsiuteqaruit inuttut unittoorfigisannik, sapinngisarput tamaat pisortat, ilinniartitsisut sulisullu ikiortassavatsigit. Aammali oqaloqatiginnittartup taamatut ikiorluarsinnaavaatit. Periarfissaq illit nammineerlutit atorluarukku ajornartorsiutitit qaangilertorsinnaajumaaritit ilisimavarput. Sapiillutit qununak ammallutillu piguit ikiorumaarpatsigit.

Maanaannaq unitsitsinermi.

Angerlarserneq peqqutigalugu angerlaannartariaqaleruit qaammatillu pingasut iluini angerlaannartariaqaleruit, billet-imillu pisisariaqaleruit illit nammineq angajoqqaatillu akilissavarsi. Taamatuttaaq aamma maleruagassanik, qaangiisaqattaarniaruit angerlartitaasariaqalerlutit qaammatit pingasut iluini, aamma angajoqqaatut oqartussat illillu namminneq billetsit akilertussaavarsi.

Atuartoq ME-miinnermi nalaani imminoornissamik siorasaarisimappat imaluunniit immi-nooriarsimappat angerlartitsinermik kinguneqartarpoq. Ernumanaataa qanoq annertutiginersoq apeqqutaatillugu angerlartinneqarnerani peqqinnissaqarfimmit imaluunniit efterskolimit angerlartinneqarluni angalanerani ingiaqateqarnissaa aalajangerneqartarpoq. Pisut sakkortunerusut tamarmik inunnik isumaginnittoqarfik atuartup Kommunerisaanut Maniitsumi Efterskolimit nalunaaarusiortussaataanerput pisussaaffigaarput. Taamaliortarlutalu.

Atuarneq:

Eqqaamassavat maanga Maniitsumi Efterskolimukassagavit **atuariartorlutit**. Atuarneq isumaqarpoq pisussaaffinnut tamanut takkuttarnissaq peqataanissarlu. Atuartitsissutaagaluarpata, iggavimmi ikiuunnerugaluarpata allatulluunniit aqqissuussanut peqataaffissaappata. Taamaattumik tikitsinnak qinnuigaatsigit imminut piareersareeqqulutit ataatsimoorfinni sammisaqartitsisarnissanullu **piumassusermik misilittaarusussusermillu peqassasutit**.

Atuakkat, atuarnermilu atortussat.

Maniitsumi efterskolimi atuarlutit aallartikkuit atuarninni atugassannik tunineqassaait, ukuninnga:

- Atuarnermi atuakkat atugassat
- Allaffissat
- Mappe-t

Atuarnermi atortut tunniunneqartut illit nammineq paarilluassallugit akisussaaffeqarputit. Atortut tunniunneqartut aserorsimappata illit nammineq isumagalugit taarserumaarpatit.

Fag-it.

Maniitsumi efterskolimi fag-it atuartitsissutigineqartussat allattariarsorluni misilitsiffiusussat ukuupput:

- Kalaallisut
- Qallunaatut
- Tuluttut
- Matematik

Atuarnerup saniatigut sammisaralugu toqqagaq (linjefag) illit nammineq kissaatigisannik ataatsimik toqqaassaait, makkuuppullu toqqarsinnaasait:

- Timersorneq
- Nipilersorneq
- Piniarneq aamma silamiinneq
- Aalasuliorneq attaveqaatilerinerlu (film & Medie)

Skema imatut isikkoqarsinnaasarpoq:

Mandag	Tirsdag	Onsdag	Torsdag	Fredag	Lørdag/Søndag
07:45- 08.00 Eqqlaaneq (vagt)	07:00-07:50 Morgenmad	07:00-07:50 Morgenmad	07:00-07:50 Morgenmad	07:45- 08.00 Eqqlaaneq (vagt)	
08.00-08.30 AN,RM,KP,JEF,,JGL Rengering/kont.gr.mø. Kolligta	08.00-08.30 AN,RM,KP,JEF,,JGL Rengering/kont.gr.mø.	08.00-08.30 AN,RM,KP,JEF,,JGL Rengering/kont.gr.mø.	08.00-08.30 AN,RM,KP,JEF,,JGL Rengering/kont.gr.mø.	08.00-08.30 AN,RM,KP,JEF,,JGL Rengering/kont.gr.mø. Kolligta	
08:30-08:50 Morgenmad	08.30-08.50 Morgensaml. KK/JEF	08.30-08.50 Morgensaml. KK/JEF	08.30-08.50 Morgensaml. KK/JEF	08:30-08:50 Morgenmad	
08:50-09.35 Tuluttut Hold 1 Lok 3 PL Kalaallisut Hold 2 Lok 2 JEF	08:50-09.35 Matematik Hold 1 Lok 3 BO Tuluttut Hold 2 Lok 2 PL	08:50-09.35 Qallunaatut Hold 1 Lok 3 RM Matematik Hold 2 Lok 2 KK	08:50-09.35 Ilinniagaqaalernissa. suliffeqaalern. Aqutissiluunneqarn. RM H1/H2 Inuttut Inerikkart. KK H2/H1	08:50-09.35 Kalaallisut Hold 1 Lok 3 JGL Qallunaatut Hold 2 Lok 2 AN	Ullaakkorsiorneq Morgenmad nal. 09:00 - 12:00
09:35-10.05 formiddagspause	09:35-10.05 Tumanguersarneq	09:35-10.05 formiddagspause	09:35-10.05 Tumanguersarneq	09:35-10.05 formiddagspause	
10.05-10.50 Qallunaatut Hold 1 Lok 3 RM Matematik Hold 2 Lok 2 KK	10.05-10.50 Kalaallisut Hold 1 Lok 3 JGL Qallunaatut Hold 2 Lok 2 AN	10.05-10.50 Tuluttut Hold 1 Lok 3 PL Kalaallisut Hold 2 Lok 2 JEF	10.05-10.50 Guitar aallarterl. Lok 2. PL Nunarsuarmilqatigiller Lok 3 KK E-sport Lok.XX KP Krea Kreartarfik AN	10.05-10.50 Matematik Hold 1 Lok 3 BO Tuluttut Hold 2 Lok 2 PL	
10.50-11.35 Qallunaatut Hold 1 Lok 3 RM Matematik Hold 2 Lok 2 KK	10.50-11.35 Qallunaatut Hold 1 Lok 3 JGL Qallunaatut Hold 2 Lok 2 AN	10.50-11.35 Tuluttut Hold 1 Lok 3 PL Kalaallisut Hold 2 Lok 2 JEF	10.50-11.35 Guitar aallarterl. Lok 2. PL Nunarsuarmilqatigiller Lok 3 KK E-sport Lok. XX KP Krea Kreartarfik AN	10.50-11.35 Matematik Hold 1 Lok 3 BO Tuluttut Hold 2 Lok 2 PL	
11.40-12,30 Ullup qeqqasiorneq	11.40-12,30 Ullup qeqqasiorneq	11.40-12,30 Frokost	11.40-12,30 Ullup qeqqasiorneq	11.40-12,30 Frokost	
12:30-13:15 Futsal/arsarneq Hal KP E-sport Lokal XX PL Peqqinneq nerisallu Neris. AN	12:30-13:15 Film & Medie Skolefabr. JEF Nipilers/Musik Nipilersort. JGL/PL Timersorneq Lok 3 RM/KP Silami/Piniarneq (Lok 2) KK/BO	12:30-13:15 Silami arpanneq Silami KK Drama Lokal 1 JGL Nipilersorn. aallarterl. Lok 3 PL Qilattaaneq Krea AN	12:30-13:15 Film & Medie Skolefabr. JEF Nipilers/Musik Nipilersort. JGL/PL Timersorneq Lok 3 RM/KP Silami/Piniarneq (Lok 2) KK/BO	12:30-13:15 Fælles Time Lok 2 & 3 VJ/BO	
13:15-14:00 Futsal/arsarneq Hal KP E-sport Lokal XX PL Peqqinneq nerisallu Neris. AN	13:15-14:00 Film & Medie Skolefabr. JEF Nipilers/Musik Nipilersort. JGL/PL Timersorneq Lok 3 RM/KP Silami/Piniarneq (Lok 2) KK/BO	13:15-14:00 Silami arpanneq sila KK Drama Lokal 1 JGL Nipilersorn. aallarterl. Lok 3 PL Qilattaaneq Krea AN	13:15-14:00 Film & Medie Skolefabr. JEF Nipilers/Musik Nipilersort. JGL/PL Timersorneq Lok 3 RM/KP Silami/Piniarneq (Lok 2) KK/BO	13:15-14:00 Fælles Time Lok 2 & 3 VJ/BO	Ualikktut sutorneq Eftermiddagsfrugt nal. 15:00 - 15:30
14:00-14.30 eftermiddagspause	14.00-14.30 Tumanguersarneq	14:00-14.30 eftermiddagspause	14:00-14.30 Tumanguersarneq	14:00-14.30 eftermiddagspause	
14:30-15:15 Fitness Haall AN	14:30-15:15 Film & Medie Skolefabr. JEF Nipilers/Musik Nipilersort. JGL/PL Timersorneq Lok 3 RM/KP Silami/Piniarneq (Lok 2) KK/BO	14:10-16:00 Læremøde: 3 x mdr: RM,FP,KK,JEF,JGL,CMB,KP,PL	14:30-15:15 Film & Medie Skolefabr. JEF Nipilers/Musik Nipilersort. JGL/PL Timersorneq Lok 3 RM/KP Silami/Piniarneq (Lok 2) KK/BO		
15:15-16:00 Fitness Haall AN	15:15-16:00 Film & Medie Skolefabr. JEF Nipilers/Musik Nipilersort. JGL/PL Timersorneq Lok 3 RM/KP Silami/Piniarneq (Lok 2) KK/BO	14:10-16:00 Personalemøde: 1 x månen: VJ,BO,HH,,MSL,UOE,PS,LSM,MAL, RM,KK,JEF,JGL,CMB,KP,PL,APH,JR	15:15-16:00 Film & Medie Skolefabr. JEF Nipilers/Musik Nipilersort. JGL/PL Timersorneq Lok 3 RM/KP Silami/Piniarneq (Lok 2) KK/BO		
16.00-17:15 Kollegiami nipaarsaarfik	16.00-17:15 Kollegiami nipaarsaarfik	16.00-17:15 Kollegiami nipaarsaarfik	16.00-17:15 Kollegiami nipaarsaarfik	16.00-17:15 Kollegiami nipaarsaarfik	
17:30-18:30 Aftensmad	17:30-18:30 Aftensmad	17:30-18:30 Aftensmad	17:30-18:30 Aftensmad	17:30-18:30 Aftensmad	17:30-18:30 Aftensmad
		18.45-20.15 Sunglus. Skol. Fabr. JGL Nipl.			
20:30-21:00 Aftenfrugt	20:30-21:00 Aftenfrugt	20:30-21:00 Aftenfrugt	20:30-21:00 Aftenfrugt	21:30-22:00 Aftenfrugt	21:30-22:00 Aftenfrugt
22.00 Isereersimanissaq	22.00 Isereersimanissaq	22.00 Isereersimanissaq	22.00 Isereersimanissaq	00:00 Isereersimanissaq	
22:30 Ineeqqamillierneq	22:30 Ineeqqamillierneq	22:30 Ineeqqamillierneq	22:30 Ineeqqamillierneq	00:00 Ineeqqamillierneq	
23:00 Nipangertoqareersimassaaq	23:00 Nipangertoqareersimassaaq	23:00 Nipangertoqareersimassaaq	23:00 Nipangertoqareersimassaaq	00:15 Nipangertoqareersimassaaq	

Napparsimaneq.

Atuartoq napparsimalersimatillugu sulisunit nakkutigineqartarpoq, napparsimarululersima-

guillu ilaqutaasut nalunaarfigineqarumaarput. Napparsimassagaannilu ulloq naallugu ineeqqaminiinnissaq pisariaqarpoq. Atuartup napparsimasutut imminut nalunaarutigisup mobiilia, ipad, bærbar assigisaallu pigisani sulisunut tunniuttarpai aatsaallu unnuarsiortoq takkukkaangat tigoqqittarlugit. Ilaanni "Napparsimaneq" atorluarneqartoortarmat.

Nappaatit tuniluuttut.

Maani Maniitsumi Efterskolimi misilittagaqarnerluffigaagut nappaatit tuniluutiasut nungu-tikkuminaassinnaasullu soorlu fnat assigisaalluunniit. Taamaattumik inussiarnersumik qin-nuigissavatsigit maanga aallartinnak illit imaluunniit qanigisatit ulluinnarniluunniit avata-ngiiserisappit arlaat tamakkuninnga peqarsimagussi unneqqarissumik nalunaaqqullusi. Eqqaamaneqassammat immitsinnut paareqatigiinnissarput inuit amerlagatta.

Nappaatipalaat.

Maniitsumi Efterskolimi misilittagaqarfigilluarparput, efterskolertut nappaatipalaanik im-minnut tunillaassuuttarnerat. Tamannalu pinaveersaartinneqartuarnissaa ukiut tamaasa sulissutigaarput. Taamaammat ILLIT angajoqqaatillu, oqaloqatigiissutigilluartariaqarparsi, qanoq nappaatipalaanik tuniluunneq ulorianartigisinnaasoq. Efferskolimi usuup puujute-qartuaannarpugut - atorluartassavatit. Pingasunngornerinnakkut efterskolertut peqqinnis-saqarfimmiit misissortittarnissaat piumasarineqarnikuuvoq, tamanna aamma illit sillimaf-figiumaarpat nappaatipalaaqalissagalaruit.

Angajoqqaarsiaqartarneq.

Maniitsumi angajoqqaarsiaasaqaruit periarfissaavoq sapaatip akunnerata naanerani anga-joqqaarsianut weekendtertarsinnaanissat allatigulluunnit atuangiffigisassani aamma sumiiffigisinnaavatit. Tamannalu angajoqqaarsiatillu qanoq angajoqqaarsiat angerlarsimaf-fiani periuseqartarnissarsi akunnissinni nammineq isumaqatigiissutigissavarsi. Taamaattorli aamma malitassaarpugut:

- ◆ Sisamanngornikkut nal. 12:00 attaveqaatinnut nalunaareersimassaait sap.ak naanerani angajoqqaarsianniinniaruit. Attaveqaativit nalunaarsuiffimmut allassavaa.
- ◆ Tallimanngornermi atuarfik nal. 16:00 (atisassamaatissannik nassarlutit) qimareersimassavat, taamaalillutit angajoqqaarsiasatit najulereersinnaaniassagakkit.
- ◆ Sapaammi nal. 19:00 (allamik isumaqatigiittoqarsimanngippat) kingorna atuarfimmu utersinnaalersimassaait, kingusinnerpaamillu nal. 21:00 takkussimassallutit.
- ◆ Angajoqqaarsianiitsillutit imigassamik aanngajaarniutinillu atuinnginnissat Maniitsumi Efterskolip piumasaraa.
- ◆ Angajoqqaarsianniitillutit angajoqqaarsiannut unnukkut angerlareersimassaait nal.00:00
- ◆ Angajoqqaarsiatillu qaqugu makereersimasarnissat isumaqatigiissutigissavarsi.
- ◆ Angajoqqaarsianni nerinerinnaq sininnerinnarlu sularisinnaanngilat, illup iluani suliassanut sunulluunniit ikiuuttarnissat sillimaffigisariaqarpat.
- ◆ Ilaqtarsiat pigisaanik oqaqqaartinnak/apereqqaartinnak tiguisinnaanngilatit,

apereqqaarnak oqaqqaarnak ilaqutarsiavit pigisaanik tiguisimaguit tillittutut nalilerneqassaait. Taamaamat eqqarsaqaarluit.

Juullikkunni atuangiffeqarnissaq.

Atuartut juullimut sap.ak :52, kiisalu 1-mi atuangiffeqassaput. Nalinginnaasumik atuarneq 19. december 2025 unissaaq. Sap. akunnera 51 immikkut sammisaqarnermut atorneqartarpoq, taanna juullimut tunngatinneqartarpoq.

Atuartut tamarmik juullimut ilaquttaminnut angajoqqaarsiaminnulluunniit juullisoriarnissaat anguniartarparput. Efterskoli matoqqasarpoq. Ilisimatitsissutigissavarput juullisoriarlutit angalanissat nammineerlutit aningaasartuutigissagakku. Siusinaarluni juullisoriarluni aallarniaraanni uge 51 akuerineqarsinnaavoq, taamaattorli sap.ak-nut akiliutit nalinginnartut ingerlassaput. Taamaamat Maniitsumi Efterskoli-riartinnak sumi juullisiornissat qulakkeereerlugu Maniitsumut tikinnissat innersuussutigissavarput. Kiisalu misilittakkagut aallaavigalugit angajoqqaat ilaasa siumuinnaq billetisisoortarnerat malugisarparput.

Juullillu kingorna atuartuq utertinniarluarlugu akissamik akunnattoortoqartarluni.

Eqqartullaqqunarpoq inuunermi peroriartornermut ilaamat angajoqqaat qimallugit aamma juullikkut atortalerneqassat. Angajoqqaallu siunnersorusuppagut meeqqamik tikisinnissannut akissaq annertuallaarpat meeraq unneqqariffigissagaat akisuallaartoq, allatullu ajornavissappat maani Maniitsumi juullisiortariaqassasoq. Taamaalluni meeraq ilaqutariit aningaasaqarnerannut aamma akisussaaqataassaaq.

Ilinniartitsisut attaveqaatit.

Maniitsumi efterskolimi atualertut eqimattanut agguarneqartarput, eqimattallu tassaallutik ineqatigiikkaartut, eqimattat tamarmik ilinniartitsisumik ataatsimik aaliangersimasumik attaveqaateqartarput.

Eqimattat sapaatip akunneranut marloriarlutik ataatsimiittassaput, ataatsimiinnermilu sunaluunniit eqqartorneqarnissannut periarfissaqarputit.

Angajoqqaajusut atuarfimmu apuussassaqaarunik attaveqaatit saaffigisinnaavaat. Aammalu attaveqaatit angajoqqaannut aamma attaveqartassaaq qanoq ingerlaninnik paasissutissisartoq.

Naggasiut.

Pingaarpog siunnerfeqarlutit atuariartussasutit. Maanngassaatimmi atuariartornissat ineriartornissallu pillugit taannalu isumaqarpoq maani malitassat tamakkerlugit piareersarfigisimagitit. Eqqaamassavallu inuunermut nutaamut imminut ammaakkaanni akuersaaruminartut amerlisarmata. Oqartoqartarmat nuannersut isigalugit amerlisartut ajortullu tappiffigigaanni ajortut amerliartortartut.

Takunissannut qilanaarluta Maniitsumi Efterskolimut tikilluarit!

Maniitsumi Efterskolimi sulisut

Pisortaq: Vilhelm Josefsen

Pisortap tullia: Bendt Olsen

Allaffimmi pisortaq:

Hans Heilmann

Oqaloqatiginnittartoq:

Ilinniartitsisut/ atuartitsisut:

Kristian Kristoffersen, Ruddie Motzfeldt,
Johannes Egede Fly, Aimannguaq N. Larsen
Jens Gustav Levisen aamma Paulus Lyberth.

Eqqiaasoq m.m:

Lotte S. Møller.

Iggavimmi pisortaq:

Margrethe S. Lyberth.

Iggavimmi sulisut:

Ulrikka Ostermann-Egede. Erneeraq St. Ringsted

Pedeli:

Piitaaraq Skifte.

Vagtit:

Kirsten Poulsen, Adam Poulsen; Kenny Davidsen

Allakkat Poortukkallu.

Allakkat poortukkallu uunga nassiunneqartassapput:

“Atuartup aqqa”

Maniitsumi efterskoli

Box 503

3912 Maniitsoq

Allaffik.

Maniitsumi efterskolip allaffia ulluinnarni ammasarpoq:

Nal: 8.00—16.00-mut.

Atuarfik uunga email-erfigineqarsinnaavoq: info@em.gl

*Telefon: +299 81 39 99 * Vagt mobil telefon: 583055

Maniitsumi efterskolip nittartagaa.

Maniitsumi efterskolip nittartagaa uani takusinnaavat: www.efterskoli.gl

Aamma Facebook aqqutigalugu nutaarsiassat malinnaavigisinnaavatit, una iserfigalugu:
facebook.com/Maniitsumi-Efterskoli.

Youtube-imilu “Maniitsumi efterskoli” aamma pisartut assigiinngitsut aalasuliat
misissuataarsinnaavasi.